

quasdam observationum mearum, videndas darem. Hic dominus Ham me secundo invisens, secum in laguncula, vitrea semen viri, gonorrhæa laborantis, sponte destillatum, attulit, dicens, se post paucissimas temporis minutias (cum materia illa jam in tantum esset resoluta ut fistulæ vitreæ immitti posset) animalcula viva in eo observasse, quæ caudam & ultra 24 horas non viventia judicabat; idem referebat se animalcula observasse mortua post sumptam ab ægroto therebintinam. Materiam prædictam fistulæ vitreæ immissam, præsentem Domino Ham, observavi, quasdamque in ea creaturas viventes, at post decursum 2 aut 3 horarum eandem solus materiam observans, mortuas vidi.

“ Eandem materiam (semen virile) non ægroti alicujus, non diuturna conservatione corruptam, vel post aliquot momenta fluidiorem factam, sed sani viri statim post ejectionem, ne interlabentibus quidem sex arteriæ pulsibus, sæpiuscule observavi, tantamque in ea viventium animalculorum multitudinem vidi, ut interdum plura quam 1000 in magnitudine arenæ sese moverent; non in toto semine, sed in materia fluida crassiori adhærente, ingentem illam animalculorum multitudinem observavi